

## Gang go – chum cho

De Walti Zürcher schaffet (*arbeiten*) scho sid (*seit*) nüün Jaare nüme uf siim Pruef. Ganz gèèrn gaat er öppedie (*hie und da*) mit Fründe zäme in e Bäiz äis go zie (*trinken*). Da höckled die pangsonierte Mane amigs (*jeweils*) binenand, chlopfed gmüetli es Jässli, reded über Politik und mängsmaal über iri liebe Fraue.

„Bisch öppe au scho lang im ‚Gang-go-Club‘?“ frööget de Fritz.

„Bi miir dihäi häisst s amigs:

Gang doch na go Moscht hole im Chäler!

Gang mer bis so guet (*sei so gut*) go Maargge poschte.

Gang na gschwind i de Drogerii go Zaapaschta chauffe!

Gang doch na öisi Uuswiis go abhole uf de Gmäind.“



„Näi, miin Club häisst vil eener (*eher*) ‚Chum-cho-Club‘. S Rösli hät nämli na tifigi Bäi; si gseet no guet und ghöört no guet und cha no wäidli (*schnell*) lauffe“, säit de Walti.

„Miini Frau rüeft mer aber immer, wänn s öppis (*etwas*) Schwèèrs zum Lupfe oder öppis Strängs zum Mache git. Das töönt dänn esoo:

Chum mer bis so guet cho d Wöschzäine ueträäge!

Chum mer doch cho dèè Teckel uufschruube!

Chum mer bis so guet cho die Pflanze uusgraabe!“

„Äigetli isch das ja ganz guet. So simer doch na gfrööget“, mäined die Mane.

### Übung:

#### gang go:

Ich **gaane go** spaziere.

... du moorn ... schiifaare?

Er ... .. spörtle.

... ir ... d Äicherli [Äichhörndli] fuetere?

Es ... veruse ... spile.

Mir ... .. d Uufgabe mache.

lir ... in en Choor ... singe.

Si ... i d Bèerge ... d Gämse fotografiere.

Mir ... .. d Mungge (*Murmeltier*) sueche.

Ich ... jetz ... schlaaffe.

Si ... .. d Öpfel güne.

Er ... .. d Nusse schüttle.

Si ... .. Trube wüme (*Trauben lesen*).

Du ... mer nöd ... tanze!

Mir ... .. phacke.

... iir ... sägle?

Sii ... .. Golf spile.

Wèr ... .. d Huustür pschlüüsse?

Wo ... du diini Chläider ... chauffe?

#### chum cho:

Ich **chum** der (*dir*) scho **cho** hälfe.

... mi au emaal ... psueche?

Er ... .. d Bäum schniide.

Si ... mer ... d Hämper glette.

Es ... immer ... täderle (*verklagen*).

Er ... mer ... s Holz versaage.

... doch hüt öise Film ... aaluege!

lir ... .. d Stube maale.

... du nu ... d Autoschlüssel zrugbringe?

Hüt ... i au ... schwüme.

... mit miir ... isepäändle? (*Eisenbahn spielen*)

... er äntli ... Zaabig ässe?

Si ... öis ... pfläge.

Es ... jedi Wuche ... Buecher uusleene.

Mir ... .. das Medikamänt abhole.

... s ächt glii (*wohl bald*) ... rägne?

... Si ä ... ruedere uf em See?

Wisoo ... er hüt nöd ... d Ziitige bringe?

Was, iir ... nöd ... s Füürwèrch aaluege?